



## Uned 4F: E-bost - Defnyddio'r Llyfr Cyfeiriadau, Atodiadau a Chamerau Digidol

### Ynglyn â'r Uned :

Yn yr uned hon mae plant yn atgyfnerthu eu gwybodaeth a'u defnydd o e-bost (post electronig) i anfon a derbyn negeseuon. Mae nhw'n dysgu'r pwysigrwydd o greu a defnyddio llyfrau cyfeiriadau a dysgu sut i gysylltu ffeiliau i anfon gyda'u e-byst fel atodiadau. Mae nhw'n dysgu sut i ddefnyddio camera digidol i dynnu delweddau a'u cadw yn briodol i'w defnyddio fel atodiadau.

Mae defnyddio e-byst yn gallu helpu plant i ddatblygu eu sgiliau darllen ac ysgrifennu a datblygu eu gwybodaeth o'r gymuned ehangach. Mae'r uned yn gofyn am gydweithio gydag ysgolion eraill yn ogystal â'r posibilïadau cyffrous o gydweithio gydag ysgolion mewn gwledydd eraill.

Bydd y plant yn cymhwyso'r hyn maen nhw wedi'i ddysgu yn yr uned hon wrth ddefnyddio e-bost, casglu gwybodaeth, datblygu prosiectau cydweithrediadol, ac ysgrifennu ar gyfer cynulleidfaoedd eraill. Mae'n gallu cefnogi gwaith mewn llawer o feysydd cwricwlwm.

### Ble mae'r uned hon yn ffitio:

Mae'r uned hon yn adeiladu ar Uned 3E: E-bost

Mae'r uned hon yn cymryd yn ganiataol bod plant yn gallu:

- anfon, derbyn ac ymateb i e-byst
- yn gyfarwydd ag ysgrifennu ar gyfer cynulleidfaoedd gwahanol a darllen gwaith plant eraill.

### Geirfa:

E-bost | Creu | Agor | Cyfeiriad | Mewnflwch | Blwch Allan | Anfonwyd | Dileu | Ymateb | Atodiad | Ffeil | Pwnc | .jpg |

### Adnoddau:

E-bost gyda llyfr cyfeiriad | ffeiliau prosesu geiriau | ffotograffau digidol neu luniau sydd wedi'u creu mewn pecyn graffeg |

### Disgwyliadau ar ddiwedd yr uned hon,

**Bydd mwyafrif y plant yn gallu:** datblygu a mireinio negeseuon testun, anfon, derbyn ac ymateb i e-byst gydag atodiadau a defnyddio llyfr cyfeiriadau

**Bydd rhai plant dim ond yn gallu:** derbyn ac ymateb i e-byst a defnyddio llyfr cyfeiriadau i ddod o hyd i gyfeiriad.

**Hefyd bydd rhai plant yn gallu:** datblygu a mireinio negeseuon testun, anfon, derbyn ac ymateb i e-byst gydag atodiadau a chreu a defnyddio llyfr cyfeiriadau. Byddant yn gallu defnyddio camera digidol i dynnu lluniau, eu cadw yn briodol a'u defnyddio fel atodiadau.



<b>Amcanion Dysgu</b> <i>Dylai disgyblion ddysgu...</i>	<b>Gweithgareddau Posib</b>	<b>Canlyniadau Dysgu</b> <i>Gall disgyblion...</i>	<b>Pwyntiau i'w nodi</b>
<b>Gosod yr Olygfa</b> <ul style="list-style-type: none"><li>• <b>syniad allweddol:</b> bod e-bost yn gallu cael ei ddefnyddio i anfon atodiadau gyda negeseuon dros bellterau</li><li>• <b>techneg:</b> bod yr e-byst yn cael eu hanfon at gyfeiriadau.</li></ul>	<ul style="list-style-type: none"><li>• Trafodwch y profiadau y mae'r plant wedi'u cael o ddefnyddio e-bost. Dangoswch i'r plant fod e-bost yn gallu cynnwys atodiad. Dangoswch drwy agor rhai atodiadau i'w dangos i'r dosbarth. Sicrhewch fod amrywiaeth o fathau gwahanol o ffeiliau gennych e.e. ffotograff digidol, llun sydd wedi'i greu gan becyn graffeg, a rhai enghreifftiau o ddogfennau wedi'u llunio ar brosesydd geiriau, rhai'n cynnwys lluniau a rhai hebddynt. Dywedwch wrth y plant eu bod yn mynd i ddefnyddio e-bost i anfon negeseuon i ysgol arall, ond nawr bydd ffeiliau'n cael eu cysylltu wrthynt.</li></ul>	<ul style="list-style-type: none"><li>• Ddeall y gellir anfon negeseuon dros bellterau ac maent yn gallu cynnwys gwtbodaeth ychwanegol ar ffurf atodiad.</li><li>• Deall bod mathau gwahanol o ffeiliau y gellir eu hanfon fel atodiadau.</li><li>• Gwybod ble i ddod o hyd i gyfeiriad yr anfonwr a deall bod e-byst yn cael eu hanfon at gyfeiriadau.</li></ul>	<p>Hysbysu'r plant na all peiriannau nad oes ganddynt yr un meddalwedd ddarllen atodiadau</p> <ul style="list-style-type: none"><li>• Dynodi delweddau ffotograffeg fel ffeiliau jpeg.</li></ul>
<b>Tasgau byr wedi'u Ffocysu</b> <ul style="list-style-type: none"><li>• <b>syniad allweddol:</b> bod e-byst yn cael eu hanfon at gyfeiriadau</li><li>• <b>techneg:</b> anfon e-bost gan ddefnyddio llyfr cyfeiriadau.</li></ul>	<ul style="list-style-type: none"><li>• Paratowch lyfr cyfeiriadau gyda nifer o gyfeiriadau e-bost ynddo. Atgoffwch y plant fod y cyfeiriadau'n sicrhau bod yr e-bost yn cael eu derbyn gan y person cywir. Pwysleiswch pa mor bwysig ydyw i ysgrifennu cyfeiriad yr e-bost yn gywir. Gellir dangos hyn drwy anfon e-bost at gyfrifiadur y dosbarth gyda chamsyniad teipio yn y cyfeiriad. Byddai'r plant yn gweld y byddent yn cael neges e-bost yn ôl a fyddai'n dweud bod y cyfeiriad yn anghywir. Atgoffwch nhw eu bod yn gallu edrych yn eu bocs Anfonwyd i weld cofnod o'r e-bost a anfonwyd.</li><li>• Dangoswch sut i anfon neges drwy ddewis cyfeiriad e-bost o'r llyfr cyfeiriadau.</li><li>• Dywedwch wrth y dosbarth eu bod yn mynd i gyfathrebu gydag ysgol arall, e.e. <i>dysgu am eu hysgol neu'r ardal gyferbyniol</i>. Gofynnwch iddynt ddarganfod rhywbeth am yr ysgol neu'r ardal drwy lunio holiaduron i'w gyrru fel e-bost atynt (fel testun corff). Gallai cwestiynau addas gynnwys: <i>Ydy'ch ysgol mewn ardal drefol neu wledig; pa nodweddion lleol gellir cael eu disgrifio; pa mor fawr yw eu hysgol? etc.</i> Pan fydd yr atebion yn cael eu derbyn, gofynnwch i'r plant eu hargraffu a meddwl am unrhyw gwestiynau pellach y mae angen iddynt eu gofyn.</li></ul>	<ul style="list-style-type: none"><li>• Anfon e-byst gan ddefnyddio llyfr cyfeiriadau</li><li>• Defnyddio'r Mewnflwch, Anfonwyd, Blwch Allan a folderi Dileu.</li></ul>	<ul style="list-style-type: none"><li>• Gellir dangos i'r plant sy'n defnyddio e-bost yn hyderus sut i ychwanegu cyfeiriadau at y llyfr cyfeiriadau.</li><li>• Gellir cysylltu'r gweithgaredd hwn ag unrhyw weithgaredd casglu data.</li></ul>



<b>Amcanion Dysgu</b> <i>Dylai disgyblion ddysgu...</i>	<b>Gweithgareddau Posib</b>	<b>Canlyniadau Dysgu</b> <i>Gall disgyblion...</i>	<b>Pwyntiau i'w nodi</b>
<b>Tasgau byr wedi'u Ffocysu (Parhad.)</b>			
<ul style="list-style-type: none"> <li>• <b>syniad allweddol:</b> bod camera digidol yn gallu cael ei ddefnyddio i anfon atodiadau i gyfathrebu gwybodaeth</li> <li>• <b>techneg:</b> gallu defnyddio camera digidol i gymryd delweddau a chadw'r ffotograffau fel ffeiliau ar gyfrifiadur.</li> </ul>	<ul style="list-style-type: none"> <li>• Dangos i'r plant sut i ddefnyddio camera digidol. Gofynnwch iddynt dynnu lluniau o'r ysgol a'r tiroedd i anfon at blant mewn ysgol arall. Gall hwn fod yn rhan o brosiect cyfnewid gwybodaeth gydag ysgol mewn ardal gyferbyniol. Gallai'r plant weithio mewn grwpiau bach a phenderfynu ble yn yr ysgol y byddant yn tynnu lluniau.</li> <li>• Unwaith mae'r plant wedi tynnu'r ffotograffau, gellir dangos iddynt sut i'w trosglwyddo i gyfrifiadur. Wedyn dylid dangos iddynt sut i enwi'r ffeiliau yn gall, er mwyn iddynt ddod o hyd i'r lluniau yn ddiweddarach wrth ddefnyddio atodiadau.</li> </ul>	<ul style="list-style-type: none"> <li>• Ddefnyddio camera digidol i dynnu lluniau ar gyfer tasg sydd wedi'i threfnu ymlaen llaw</li> <li>• Trosglwyddo'r ffotograffau i gyfrifiadur</li> <li>• Ail-enwi'r ffeiliau os oes angen, er mwyn dod o hyd iddynt a'u defnyddio fel atodiadau.</li> </ul>	<ul style="list-style-type: none"> <li>• Efallai bydd rhai plant yn ei chael yn anodd i drosglwyddo'r ffotograffau o gamera i gyfrifiadur ac ail-enwi'r ffeiliau ac efallai bydd angen cymorth arnynt unwaith maen nhw wedi tynnu'r lluniau.</li> <li>• Dylid annog plant mwy galluog i greu ffolderi y gellir cadw eu gwaith ynddynt.</li> </ul>
<b>Tasgau byr wedi'u Ffocysu (Parhad.)</b>			
<ul style="list-style-type: none"> <li>• <b>techneg:</b> ychwanegu atodiad at e-bost.</li> </ul>	<ul style="list-style-type: none"> <li>• Atgoffwch y plant sut i anfon e-byst. Dangoswch iddynt sut i ymgysylltu ffeil llun ag e-bost. Gofynnwch i'r plant ymgysylltu un o'u ffotograffau ag e-bost y maen tyn ei anfon at ysgol arall gan roi gwybodaeth am y ffotograff a dyfeisio cwestiynau i'r ysgol bartner eu hateb.</li> <li>• Gofynnwch i'r plant gysylltu gwaith y maen nhw wedi'i wneud mewn uned arall ag e-bost a'i anfon at rywun gan ofyn am sylwadau arno, fel llun sydd wedi'i greu mewn pecyn graffeg neu ddisgrifiad ysgrifenedig o waith a wnaed sy'n gysylltiedig â thema neu bwnc.</li> </ul>	<ul style="list-style-type: none"> <li>• Cysylltu'r ffeiliau ag e-byst</li> </ul>	<ul style="list-style-type: none"> <li>• Pwysleisio'r ffaith nad yw peiriannau sydd â meddalwedd anghydnewys yn gallu darllen atodiadau.</li> </ul>



<b>Amcanion Dysgu</b> <i>Dylai disgyblion ddysgu...</i>	<b>Gweithgareddau Posib</b>	<b>Canlyniadau Dysgu</b> <i>Gall disgyblion...</i>	<b>Pwyntiau i'w nodi</b>
<b>Tasg Aseu</b> <ul style="list-style-type: none"><li>• Casglu, cyfnewid a datblygu gwybodaeth gan ddefnyddio e-bost.</li><li>• Defnyddio ffotograffau camera digidol a ffeiliau sydd wedi'u creu mewn unedau eraill fel atodiadau mewn e-byst.</li><li>• Defnyddio llyfr cyfeiriadau i fwydo cyfeiriad i mewn yn gywir.</li></ul>	<ul style="list-style-type: none"><li>• Gellir defnyddio'r technegau a ddysgwyd yn yr uned hon i wella gwaith ym mhob uned sydd yn dilyn. Rhoddir rhai awgrymiadau yng ngholofn 'Sylwch' unedau eraill.</li><li>• Gallai plant yrru e-byst at ddisgyblion mewn ysgol arall a gofyn iddynt ymateb gyda disgrifiadau ysgrifenedig o greaduriaid neu anghenfilod dychmygol. (Gellir defnyddio disgrifiadau Cymraeg yn ogystal â Saesneg). Gellir argraffu'r e-byst hyn i ddadansoddi a thrafod y disgrifiadau.</li><li>• Yna byddai'r plant yn creu lluniau o'r e-byst a gyrru eu lluniau yn ôl fel atodiadau. Gellid defnyddio pecynnau graffeg, ffotograffau digidol o collage a darluniau neu ddelweddau sydd wedi'u sganio. Gellid cynnal trafodaeth rhwng yr ysgolion ac ymhlith y dosbarth ynghylch pa mor gywir mae'r lluniau o'u cymharu â'r ysgrifennu disgrifiad gwreiddiol. Mae'r gweithgaredd hwn yn darparu cyfle i waith mawl ar ansoddeiriau ac ysgrifennu disgrifiadol - cysylltwch â'r Saesneg. Hefyd ceir cysylltiadau â Chelf a'r Gymraeg.</li></ul>	<ul style="list-style-type: none"><li>• Greu ac ymateb i e-byst i gasglu gwybodaeth a chyfathrebu gydag eraill gan ddefnyddio atodiadau.</li><li>• Defnyddio llyfr cyfeiriadau.</li></ul>	